





農丈人文集卷之十二目錄

行狀二首

贈文林郎漳州府推官丁先生行狀

明故文林郎南京江西道監察御史林公

行狀

行述一首

遼左處士劉先生暨配康媪行述

墓表三首

誥贈太中大夫光祿寺卿王太公墓表



誥贈太湫人李母匡氏墓表  
文學張君暨室人合葬墓表

農丈人文集目錄卷之十二

農丈人文集卷之十二

古鄆余寅僧果著

行狀二首

贈文林郎漳州府推官丁先生行狀

余與丁使君右武交蓋在萬曆壬午既余歸里  
右武以副臬備兵甬海未幾擢叅楚藩瀕行右  
武躡余廬匍伏頓顙淚藪藪數行下請曰呂先  
子背養忽已二十三年惟是幽德未章呂死無  
日敢以狀辱吾子余舊於右武於陝為僚今為



部民非余其誰宜狀者狀曰丁少溪先生諱運  
字易昇少司馬南溪公之伯子也丁氏系出齊  
侯丁公後世家濟南五代時諱映者為馬氏廐  
將避地豫章家焉其遷五溪也自其四世孫迪  
功郎仕楫之子文質始五溪今籍新建質生鈇  
鉞銳鈇宗伊洛之傳三舉禮部學者稱甕天先  
生語在國史中凡十九傳而為司馬公配余氏  
以正德戊寅七夕之明日舉先生孩提凝厚異  
凡兒不習頑弄初戲日誦千百言髻而攻制義

試之多篇立辨弱冠補邑弟子負雋聲大起督  
學濞司馬蘇公溫陵司徒蔡公尤賞異置高等  
於是先生例得餼於庠矣同儕欲先焉先生欣  
然遽讓之夫霸霸者烏足羈先生乃先生意念  
遠矣辛酉秋試監臨使者業已假先生上第乃  
脩卻者屛之卒棄不錄於是先生七躡省闈矣  
喟然太息豈有物厄我邪何其婁也夫士者豈  
必皓首一經日搖三寸枯管微幸一躋而已假  
令我蘄得之而祇為閭里兒豎子誇也孰與明



吾志哉於是謝諸生去而會明年壬戌司馬公  
解留樞歸先生喜吾不獲侍兩大人宦所得侍  
田間幸甚謹視杖屨候居起無惰容間出無敢  
遠稍遠即通夕不能寐也以其餘治方家言以  
佐寒暄之或失平司馬公嘗病劇先生篤憂親  
嘗藥導進糜飲不解帶者一月貌為瘁既復常  
乃復常司馬公歷宦先生秉家稱督司馬公老  
艱拜起先生虔諸祀事稱攝與仲遜處雖容和  
而能勗訓正子弟課甚力防有禮不以臆奪族

夥無慮數千指用恩植之糾以分義卒良者奮  
暴戢稱敦率抑又宗磐也先生多豪槩應卒若  
閒權數若預設嘗遭盜對之談笑罄恂諭語至  
有感泣者卒不敢橫去再遭之不用先生命窮  
搜無所得不勝憤熱其廬去即貌諸不逞凡數  
十人跡捕之無脫者及置對或展辯呵曰爾某  
姓某名爾時作某狀非爾邪竟咋舌甘就死諸  
不逞有恨於均州大賈構入捕中大賈行千金  
乞命先生拒不許已卒直之均州人至今額手



農文公文集 卷十二  
道其事當是時烏夷毒痛內地新安胡少保開  
府東南聞先生名聘為軍諮祭酒先生謝不往  
居嘗慨慕諸葛武侯范文正公曰使吾當兩公  
時一見其奇豈不快哉以今觀先生俠烈其自  
喜有以夫是時王文成公操良知之說倡道江  
以西先生宗其學直神潛之假體具之如涵者  
日富於杯學不湛不止久之有悟曰合即本體  
做即工夫又曰無事不令空有事不令亂既至  
厥旨云奧矣晚尤喜薛文清公讀書錄曰醇哉

吾師乎吾仲尼高遠游行九天而卒不離斯土  
今之人柰何乎驚虛以故先生執執能圓誕節  
能密無矯宮庭無媚衽席行誼皦白日雖孱稚  
子傭人販工靡然嚮服戴為長者即魑魅亦攝  
歛無敢作孽噫嘻吾道蓋是哉先生豐軀廣臂  
重頤大耳偉然山立望之知為有福人音吐洪  
亮一發充堂稠人廣座一時俱下故常少疾病  
邇迫寒邪侵尋積歲轉盛先生撫膺歎曰數殆  
止此乎吾年已踰艾兒曹號成人復何恨所不



農文公文集 卷之十一  
瞑獨棄我老親耳言已涕泗汎瀾不禁病危猶  
強櫛沐日省視兩大人不廢臨訣捧太夫人手  
泣曰兒不孝遽至此遂逝蓋辛未八月三十日  
也距其生年僅五十有四先生志經世魄壯神  
識執事發於微暖若燭何巨不勝者卒坎壈不少  
試孝義自其童懋明之以學植其始若負氣者  
卒得養以成故其為人益粹右武又謂余先子  
燕居嘗忽忽私語若自訟者呂固以請先子稍  
及之大抵人情矜孔昭而湯不顧纖隙道猶粲

也純白不備其類不細吾寧無懼諸復之初繇  
不遠復無祗悔元吉殆於良知也庶乎斯先生  
所謂明志也已司馬公先生父諱以忠累官通  
議大夫南京兵部右侍郎母余累封淑人王父  
諱大章配程曾王父諱儀配熊俱以司馬公貴  
贈如司馬公如淑人先生配同邑鄒君廷器女  
子男二長此周以司馬公任稱胄子娶憲副奉  
新廖公天明女後先生二十年卒次此呂右武  
其字聘方伯南昌朱公奎女殤娶同邑丘君偉



女女一適太宰熊恭肅公孫維煥孫男八立本  
邑諸生娶豐城諸生李慈女立命邑諸生娶侍  
御全邑萬公國欽女立人邑廩生聘豐城胡以  
繩女殤娶南昌劉某女立會娶同邑金昊女此  
周出立正聘少宰同邑鄧公以讚女立兩聘主  
事進賢饒公伸女殤聘侍御上高聶公應科女  
立參聘方伯南昌姜公忻女立悟幼此呂出女  
六美貞適全邑進士金君昊子某愛貞適南昌  
太學生朱試子朝枕周出球貞適編脩南日劉

公曰寧子一琦僊貞適大司空進賢李公輔子  
某滌貞越貞俱幼呂出曾孫男三某立本出某  
立命出某立人出女一某立本出俱幼先生歿  
之明年壬申八月初四日二孤奉先生柩窆於  
豐城宣風鄉勺口城之原又明年萬曆癸酉司  
馬公歿又八年辛巳余太淑人歿二孤追憶先  
生臨訣語幾慟絕先生歿之前一年庚午右武  
舉於鄉歿之七年丁丑右武成進士授漳州府  
推官又三年考家贈先生如其官鄒母封孺人



及其配立文十年壬辰督學使者采公評祀先生鄉賢列其主司馬公之左是年冬右武奉太孺人來甬上太孺人慈明有雋媪之風右武晨謁畢出視堂皇無敢不共寅竊闕之固太孺人以也微先生疇開之者右武幼時先生嚴飭之嘗舉論躬自厚薄責人一章曰呂伯恭佩此成名儒聖貴克已又貴克念小子念旃右武恢達蒞政滋益寬和寔敬旋烟戒皆狀所宜及顧余筆疲繭無能藻繪德偉負右武之請惟當世

作者崇述之用藉無窮之聞焉

明故文林郎南京江西道監察御史林公

行狀

萬曆辛卯余拂衣謝三齊之役歸抵錢唐聞侍御林公訃自留都回惶駭惑猝遽不得狀豈其有之夫甫踰艾耳謂強力筭之幹天固右穀臣殆不然乎蓋是年八月初九日也往余弱冠時與侍御公父懷雲先生為文會是時侍御才髫年先生故與余從父有媿又慤士余未嘗不恭



重先生以故時時得眎侍御課業私竊賞異之  
而後侍御廼與余同年舉進士意彌洽於是公  
之子復言等匍匐稽顙請為狀嗟乎余誠知侍  
御顧胡忍遽狀侍御乎狀曰林之先系殷比干  
之子堅避難長林山因氏林其後有名玉者相  
趙生九子姪相躅號十德之門迨宋天聖間真  
以賢良從青州官明州錄事叅軍遂籍鄞之桃  
源鄉家焉真再傳孫保進士顯於朝自是纓紱  
如織據郡垂終宋百六十餘年登甲第者十有

八人而入我 明則惟侍御公侍御諱可成字  
志甫曾祖諱必華祖諱俊懷雲先生諱應春自  
真至於侍御公凡十五傳矣先生郡博士弟子  
積脩不耀歲教授里中侍御公敦茂神烱爍先  
生以為是不泛銜勒者遂身督課之公年十八  
以易克邑弟子真竟業不更師先生孝義兄秉  
管第執宮功先生以其挺脯佐其家不私庀閭  
人一簪兩大人悅氣象昌明余嘗謂先生天道  
不憊是在其嗣人戊午公年二十一遂舉於鄉



吾鄆親迎禮久廢明年公歸自南宮先生慕古  
講其儀令執鴈迓御史方公誌曾孫女三周輪  
而旋鄉人躓之庚辰成進士其年八月授河南  
太康縣知縣太康豪悍奸有窟公與諸掾約若  
罪如白日宜早自悛否者吾法亦如白日於是  
諸役惴不敢詭勦歲饑賑至數萬人或請差人  
公曰蠹蠹耳不足潤其釜忍與校邪卒槩給之  
老稚為甦而收其丁壯日給錢與繕城不數月  
城再完於是民不知饑城不知役康之人以公

恢恢有權略也斥羨葺黌宮恤諸生窶者策其  
尤異出所制義為幟為塔於震隅曰吾以相諸  
生使競爽於是登賢書者翩躩盛矣邑子歲苦  
倉庫役至破產為徵銀募平之戍丁絕久勾猶  
倩行凡十九家里為騷卒請除其籍博徒李者  
掠李貨殺之尸橫道不收公廉得其血刃乃就  
死婦許迷失道諸惡少羣麀之已不聽鬻殛諸  
河公廉得許椒籃在也諸惡少就死公折獄如  
列缺桀黠大崩諸有寃不得公一鞫目不瞑扶



溝張克讓妻李私以錢貸其兄莫償擢數妻妻  
夜亡克讓不虞其匿兄所兄遂欺其妹賣楚地  
而訟克讓以貸故殺妹棄其尸克讓故諸生不  
勝榜笞遂誣服繫七年直指使者以屬公公密  
禱多其間偵卒得其妹麻城黃博士家克讓得  
不死陳州劉三元歲旦遭劉進科於途忿其不  
隆禮逐毆進科避抵家猶從戶外手石擊進科  
迫遂殺其三歲孫女誣三元不能白都御史檄  
即訊公疑即中勸元旦時尚寒衣必綿豈能折

其骨三邪詰其長孫女爾妹必爾祖自殺之曰  
誠然何所曰牀以何物殺之曰棗棍遂詰進科  
面赭舌橋不下伏地請死論如律康人頌公豈  
特令吾人不冤又令我隣之赤子不冤矣康固  
剽走集捕輒風雨散莫可跡迺諸快手設方  
略命尉以時肄習久之成精卒諸剽無敢闖其  
封夫是豈直彌盜假令百城率厲即曩時師尚  
詔烏得蹂躪中土若虛無人今汝南又驚動矣  
諸有司棄之泛役不令格虎令捕雛豈初制意



農如人文集 卷之二  
邪公為令凡六年酌平不苛靖迎福慎祛疾是  
故細民以單被而豪用戢嘗購牡丹一本娛退  
食盆植致諸廷遽揮出之其謹嫵微如此丙戌  
召拜南京江西道監察御史時南北告饑公請  
急發賑徐議詢江南諸大郡賦數宜視河南山  
西陝西壹行賑前陝西賑銀十六萬恩侈矣顧  
赤地如洗無從搜糴空銀不可倉宜發臨德二  
倉從水入輓以棊子遺又請三關歲課及撫按  
贖緩賑下江一路災俱下司農議可五城御史

檢勘率移兵馬兵馬猥劣多不肖心法不信兵  
馬正宜無不統乃與其副及吏目分地受事非  
體公請凡重獄尸傷諸等先兵馬更京倅或京  
令覆核庶無抑濫且 會典固以許司敗得委  
倅若令乃行部不及院均執法也宜並命併正  
司城統紀諸務一歸正指揮部請下留院如公  
語又疏時事漸不可長者四宗室越關宜嚴禁  
亂軍陵師宜重誅奸民枉奏妄揭宜加罰得  
俞旨遂及巨璫某宜遠屏不宜昵近議者謂公



能危言孔庶既晉胡居仁陳憲章王守仁從祀  
猶遺蔡清章懋公謂二臣學行無媿三人宜並  
祀未報而公殂公為令滿三年考得封先生如  
令母唐贈孺人配方封孺人先生一嘗與公繼  
母張就養太康即未幾歸公念先生日思省於  
是為御史又滿三年考矣公喜歸省有日不意  
殂公幼孝母唐稍不泰輒不離帷戶侍調適母  
暴死於唐終身悲不解繼母張生二弟可望可  
喬俱邑弟子伯父無嗣以可望嗣季父貧公時

恆之有子可用邑弟子公率而季父哭之慟曰  
吾窮殆不起乎蓋公祖父母伯父母母唐兆域  
俱未營公所謂日念歸良苦今茲誰撫公雙眸  
不令猶視邪四子長復言郡弟子負娶太宰聞  
莊簡公玄孫女次律言國子生娶雷州太守楊  
公承閔孫女次德言聘廣東叅政徐公應奎女  
次行言聘彰德府同知陸公樂女女一造尚寶  
少卿聞公思學孫國子生世道復言一男養心  
聘貴州叅議董公樾孫女二女長許字南京刑



部郎中邵公城孫洛次許太保余文敏公曾孫  
元籌律言生簡心聘運使盧公漸孫女俱孫公  
為令時嘗為余言若無輕百里余書生殊不勝  
畏余謂克畏茂弗濟耳留臺當不至瘁胡遽也  
公初視東南北三城若憚焉已按吳淞及姑孰  
諸郡風行大江之介以故子卯簾內外再借公  
及卒太康人不信義民張某徒步來睹櫬乃大  
號又徒步歸率某某如干人來號吊隨旒至龍  
江關固謝之痛別去自是吊者踵接於途若諸

薦紳更有辭哀焉柰何不令究厥施委轡半道  
哉書曰立事立功可以永年祗虛語耳距生嘉  
靖戊戌十月十四日得年僅五十四諸孤卜以  
今年某月某日葬城西仇家漕之匯公所念母  
唐以上五喪先一年俱窆公固可無憾已公之  
先有族譜其隱德余頗詳張克讓事公自紀諸  
石御史曰太康許孝廉言詩傳其為令時事略  
具諸疏有遺草復言克家紹先志撫次之余掇  
為狀如此若夫倬敷休懿與雲漢並垂則惟鉅



工榮施乎云

行述一首

遼左處士劉先生暨配康媪行述

遼左處士劉先生者寧郡推府劉公之父也公以乙未成進士授寧波府推官臨發欲奉先生與俱東先生不許曰吾踝倦烏能蹠踔萬里外哉推府公則伏地泣曰不幸天奪吾慈又不朝夕我大人者忍獨持帝粒私向其妻孥嚙也而甘之邪何不子也先生曰兒勉之矣是且有諸

胤足遣耳夫使我腹及之無寧耳馥之之於榮不訾也於是公不得已獨身發而迺心繫處士居恒悒悒不能歡越兩年計果至公大慟曰微官縛人果奪吾志則頓首余山齋涕縻屬哽不得語曰先生其為我次第我倉卒言將請銘於大司寇趙公圖不朽夫公之痛私志也公操律平讞鞠務寬愷從直指於他郡千里歸仁豈其奉長者緒訓邪迺一旦銜愷以去郡人且雨泣余烏能不為公敷所忉怛邪於是謹為次之先



生諱夢元字子登復州衛儒學弟子自其先吉之泰和人七世祖德禾以尺籍補衛伍遂為遼左人德禾嘗畜鶩鴨數十販者山西人盡逐之去室人請追之德禾曰已入其群山西人既欺得之何從辯其行善大類佛子云先生父曰承德母鄭生二子長即先生幼穎異不凡長而好脩用古道自砥尤矜於獨同儕有構之者不與較非意啗之不為動平生喜讀書課藝勤興寄道逸不廢酒亦不廢吟咏顧無柰數竒每舉輒

格慨然太息曰吾所謂逢掖氏也夫逢掖自有重豈必泥璠之陋而霄漢翔者是邪因謝博士先生去督學使者遽與之牒號之曰儒官先生自是閉戶以所業業其子配康氏有婦德上堂克恭下堂克睦以儀於娣姒而相處士於成其督諸子不罷楚較尤力子男四長國經通州學訓娶康繼娶曹先歿次國縉即推府公娶王次國紳娶林次國緯娶揭俱青衿子女一適費生孫男幾人某某經出某縉出某紳出女幾人某



許聘王某縉出某許聘某紳出內外姻多從締  
中表者蓋若朱陳以世盟不謂蓋年猶見此古  
事先生生於嘉靖己丑十月二十五日卒於萬  
曆己亥二月初三日享年七十一歲康父翁老  
博士弟子母樊以嘉靖戊子正月十二日舉康  
媪隆慶壬申五月念七日歿僅四十六歲葬於  
州藥古之南原先生鰥處久而始娶於費夫姓  
之興未有不自其先德茂者也七世祖之事微  
矣然可以觀大慶士邁自躬佐以翁合馨香旁

魄上帝總聞是故壽豈一之錫胤二之第祿三  
之書接四之申篤五之夫渤澥豈不浩淼醫無  
閭北僻而作鎮式穀若闔其券若携亦固其所  
是為劉先生小述以俟綴鴻篇者徵焉

### 墓表三首

誥贈太中大夫光祿寺卿王太公墓表

### 自頃歲

皇儲丕建溥大慶於萬方而吾榜之位九列者  
凡若而人得以其爵追爵其大王父如 詔旨



則溧水王太公蓋首被焉王太公者吾同年光  
祿寺卿王公之大王父也太公諱像其先徙自  
太原其營居石湫里則自遠祖安旺公始更十  
幾傳而太公之曾大父雙五公有隱德饗年垂  
百歲里人曰是家宜奮興何特長筭已而太公  
生姿挺岸然性恢達即之襟際蕭豁若撲塌翳  
而睹霽朗果有以異而無柰蚤孤也太公父曰  
綾歿而號四府君母氏某是時新喪府君伯兄  
某柄家嚴太公感愴不勝喪進而怡其母退而

稟伯兄之旨惟所警歎其氣志磅礴發壹似逢掖  
子廼卒以幹蠱無遑經生之業而改其繇于計  
研平生蹤跡大抵在朱桁白壘之間馭黠者作  
使壯有力者敬長者而扶翼窶不前者卒不與  
齷齪等亦靡妖冶淫哇是湛以敗廼公事居嘗  
詫歎吾面孔大不似儒矣吾將還吾舊觀以故  
燕閒未嘗不披覽記籍與諸聞望者游意罄如  
也衣紹祖武思所為蹶起是故於收族不特勤  
恤又督勉擇秀穎者為之置塾師曰非攻苦庸



王汝者諸子弟徃徃奉教謹多藉以成立焉若  
太公天特其稟人特其行用篤為經用殖為衛  
孝友培其本根而詩書禮樂津其条枚所謂無  
千里之游而感槩集無三屋之鏹而譽聲集無  
半通之銅而冠蓋集殆若天淵池然汪濊盛故  
湧滴長大海浩瀾瀨寔滙之以鍾光祿公豈偶  
然哉太公以弘治某甲子生嘉靖某甲子歿偕  
其配李葬于某隰之阡遭值盛際亭育吉歲逶  
迤百十許年禔沃休顯越其頰茲壤土所謂黃

玉韞別紫泥自出寅不佞謹題曰有

明贈光祿寺卿王太公之墓光祿公名守素父  
雙塘公名鼎母趙有二子長守業次即光祿公  
雙塘公克恭乃考替母李以規芳衍而厲趙以  
共勩光祿公初推杭郡以考窬封父若母今再  
獲贈典如太公大母母並贈太淑人光祿公配  
武封淑人王氏奕世載德公益懋忠愨以勰襄  
熙造丕振九鼎之烈  
明天子不特追馳之而又延賞於其冢嗣知益



奏假伊始爰并書之以章巨祔之闕

誥贈太泚人李母匡氏墓表

往余督學關中雲杜李本寧太史以狀來乞表其所生母氏墓是時太史叅知汴藩且三年矣而母猶仍孺人封余奮之曰稍需之是且有後命以并曜于爾阡已叅知以上考獲贈所生母泚人已東宮覃恩又加贈太泚人而前是一年叅知已擢長浙臬余適里居則又貽書責往者逋余不勝悚仄壹不知不律之不謀遂至斯

邪按母姓匡氏父鎔母魯氏以嘉靖改元上元前一日舉母於郢之新市城南里維時李稱邑巨姓方伯五華公既登賢書兩大人老王夫人不善乳乳輒病莫可慰藉兩大人者於是謀置俚置俚乃得母蓋靚然荏弱女嬰也而聰慧精敏若諍男子事無問習不習必揆所宜所接無問敵上下必以禮自旋是時太媪頗卞急作苦太翁爽豁多豪長者游方伯公脩業南雍弟子授經益衆而王夫人嘗不離牀第母太息曰吾



俾也與哉吾無敢上堂而自鷄鳴以往所謂翁翁媪媪何敢不虔吾無敢當席而自佐饗以來一稱假再稱攝凡俾吾主公在遠若侍吾主母在羸若矯頗亦惟乃之瘁吾何也與哉已方伯公成進士拜起部郎自僉憲歷右轄凡二紀翁媪從于宦則奉之于邁不從於宦則代方伯公居子舍方伯公是以有宦績無缺私王夫人病歿倘有幾微即以芟薦何者不可乃固為宗祧請遂再事陳夫人是以兩夫人有邕於閭而不

顯於庖方是時閭有鎮庖有守而又晉梁媪古趙姬身下叔隗斯風再覩已已竊傷其外家絕無嗣屬臬長公為主祀之別室以附于泰厲之義而私幸梁翁媪耄猶康迎而娛侍之無不備翁媪喜語梁吾增一女女乃得女兄梁媪固病病為起若母用薦為網用弘為度揔之代為孝以畢一生於主公德詡物大博何疑焉蓋與更三年喪者三及方伯公之歿而不獲與訣慟幾絕李單傳至母得三男子長維楨即臬長公以



甲第稱吉士為史官按藻為經發慮為憲負海  
內重名次維極維柱俱鄉進士某官梁姬生二  
男維標進士某官維楫成均生方伯公命之主  
庶祖母祧事一女適魏實秀姻屬皆士族孫男  
女若干人皆具狀中僊李纍纍至於之日彌大  
母卒于萬曆丙戌重陽前三日得年六十五適  
與方伯公同以丁亥孟蘭前五日葬於游山之  
原余不敏謹為采其尤較著者系之美門距方  
伯公墓三里而近者太泚人之歲邪得余言而

山之松邪檟邪抑燁其泰章者邪

文學張君暨室人合墓墓表

嗚呼是惟有明彥士張汝上偕配徐媪之墓汝  
上髻髻而穎夙鬢序而雋聲在劇能劇在醜能  
讓皆人世所時觀獨其貸金一事生前不使舍  
人知及沒後好友來償能使世人賞歎道鮮貞  
孤誼事激滅趙嬰吳札千載響絕兩心皓白再  
世再出汝上早年僅三十四歲吾謂斯事在即  
肺腑與日月同光今有百數十歲人空靡蠹一



世無寸善可紀孰脩然稱烈哉汝上棄其兩白  
髮與二孤是有不瞑之恨徐媪承之鷄鳴而起  
灑淚而笄繼而上堂肅容而進滫瀡兩大人悅  
也退而灑淚而撫二雛曰所不琢女於成者吾  
何顏以報下壤矣於是瞽文燿文頰彌力頰今  
為錢唐諸生號超等張之系自洛顯於浙從冢  
宰公差之登三事者若而人籍奏太常者若而  
人皆如汝上敏有斐而顯汝上挺蔚邁其族屬  
而不得顯且以天終迺維媪之稱未亡人者二

十年周旋以無叱而後瞑可知也汝上名梯父  
諱洲孝廉屢躋公車母氏吳墓在虎林大慈山  
之麓有人如玉其合如璧行道過之視此貞石



農文人文集

卷十二





